



薊丘集卷之六

古樂府一百二十八首

清商曲歌辭吳聲歌

子夜歌二十首

儂作芙蓉裳郎作芰荷衣出門有楊柳同折兩
三枝

二

寂寞不自知事事非儂意舉手種蒺藜作止隨
芒刺



三

唐突何足訝刻責猶未深荆棘本多刺相憐有赤心

四

芳樹滿洲渚歡行摘盛華纏牽穗子好采罷到儂家

五

浩浩長江水夏綠秋更白歡如流水心儂如流水色

六

今夕歡何適曲曲月方半拋豔太壽張此情定可歎

七

比數由豫情歡行盡疑妬美玉自稱珍覲面何難悟

八

郎心如青松儂意如蒼栢相共可憐時同凌千嶺雪

九

棄儂堪自責，應是色衰時。
新人貌若好，鄙陋欲何悲。

十

自今儂似葉，飄泊兼衰病。
郎情如轉移，心感才難競。

十一

聞道歡情悔，踟躕復已真。
紡車隨意轉，絲緒自從新。

十二

新艾叢叢秀，新蓮馥馥香。
詎嫌小草意，采摘莫相忘。
儂本溲渤姿，勉強成良藥。
滋味詎相宜，甘苦須斟酌。

十三

秋雨輒經旬，春衣盡厭浥。
棄置復自難，翫弄翻成泣。

十四

卷幔無人迹，容殘不自知。
春來花豔後，誰念繞

枝時

十五

儂與歡共夕一更千萬言莫言悟子好結實底君恩

十六

吟嚙不自知展轉見歡子何得未中盧以夢寐間令儂作
嗔喜

十七

布颿任東西篙折不用櫓坐見風浪生歡行定

誰顧

十八

素身不自許繁礪入空幃願歡時記憶若箇足
相思

十九

歷亂錦繡間對面還相覩煎澤八月時香色正
堪取

二十

采蓮西洲裏歡去不復顧只解惜蓮華不覺蓮

狎石雅

子苦

子夜四時歌三十二首

春歌八首

春風既清和、春月亦明肅、惟有懷春人、獨向孤
房宿

二

桃花燦如綺、歡騎驄馬去何知、郎不來、春陽足
游豫

三

柳香蘭亦秀、與郎戲堂階、和風吹輕綵、颺颺入
郎懷

四

新粧向何處、企想初花前、鳴琴寫孤抱、苦意繞
哀絃

五

怨鳥莫如鶻、怨人莫如儂、鶻啼有時止、儂恨詎
能窮

六

新水滿洲渚春樹吐青翠窈窕自可憐終日煩
寃思

七

屈草不成鈎屈人不成耦惟有一片心攜持向
不朽

八

花媚與鶯嬌併著春情苦絲髮散紛紛縷結誰
能數

夏歌八首

涼雲垂曲臺高榭環綠水歡情自可憐嬉遊日
迤邐

二

新醞發佳色微雨飄踈柳攜手登高樓倍覺三
伏久

三

西洲湛湛綠潯暑似青春儂連堪摘取一見一
回新

四

紅粧淡可睹弱態宛乘風湖中弄明月應許洛神同

五

香汗濕薄粧玉色還相照猶更為郎嬌徐徐舒巧笑

六

感郎意纏綿攜持高堂寢微雨送荷風馨香滿雙枕

七

綠沈瓜並蒂香蓮花共藕常歎同心人邀歡苦多負

八

莫訝炎蒸甚黃昏涼意生香巾拭玉體婉媚感心情

秋歌八首

白露澹如珠青林碧如玉憐歡慷慨情乘涼展心曲

二

葭蘆墮滿地塞鴈雙雙去孤影自愁思纏綿連
天曙

三

寒服儂所作殷勤思不禁純緣半成結含淚著
同心

四

蓮本是野卉激賞蒙歡子摘取詎言勤莫令霜
下死

五

高山崔嵬出天清白露團秋風何慄烈特地為
儂寒

六

歡行忽已久情隨日月新殘花與孤鴈何事自
驚人

七

送郎至黃河聯袂看秋水引新終日流相思寧
復爾

八

相喚向蘭房，燈清月光冷。提攜明鏡前，處處逢雙影。

巧而淡

冬歌八首

歡行向何處，儂正出中堂。欲看雪中跡，但識短與長。

二

嗔責不相容，勉強同杯酒。虛作顏色赤，無復慙媿有。

三

半夜出白門，冷冷歸月遲。矜惜好顏色，不是畏寒時。

四

重袍疊錦繡，香綸護屏幃。清歌吐芳豔，釵釧挂君衣。

五

人言冬夜長，儂道更漏迅。重衾蘭蕙溫，傾倒何能盡。

六

堦墀雪盈尺寒威赴閣前願郎反華榻凜烈使人憐

七

霜風散高樹相見恨難平莫言顏似玉辛苦冒寒行

八

桂酒感紅顏香幃月初照祇謂寒風生願郎更攬抱

丁都護歌

督護北征去兵騎不留行清芬揚異世高標銅柱名

二

丁督護去時赭白馬歸來垂雙旒憶昔送直瀆草木秋搜搜于今戰陳死不復歸故丘丁督護空遺金鞞弓血淚無人收歷亂悲且苦都護還聞否

團扇郎五首

團扇復團扇隨手取清風含羞故相許微賤驟

能同

二

團扇復團扇婉轉障儂面那得摧殘心的的常
相念

三

團扇亮不薄迨置復何取莫自怨秋風舊愛徒
成苦

四

團扇本小物強扳君子前三伏不唐突何處望

相憐

五

斫取湘江竹團扇能幾許箇儂不肯容棄置迷
處所

七日夜女歌

烏鵲集洲渚相憐終夕歡莫言風雨惡情苦別
離難

二

迢迢獸歸去織紡向空幃為感填河意罷却羽

蟻機

黃鵠曲

黃鵠參天飛
哀鳴轂徹天
憶君若磐石
誰能獨折旋

二

黃鵠參天飛
其雌守故林
夜中戀儔侶
嗙啖自哀吟

碧玉歌

碧玉小家女
嫁來君子前
含嬌如有恃
持羞望

相憐容顏止
如此貴德高
雲天但知結
心愛未敢期
百年門前雙
桐樹其下有
清泉入門即
心許素意保
終全歡好頻
見要微意良
復然野鳧任
去住孔翠自
飛翔憐愛從
君擇莫使共
踟躕

桃葉歌

桃葉生陽春
葉葉皆紺碧
何必豔紅華
然後望君摘

二

桃葉復桃葉
花紅久漸繁
盛時宜攀折
殷勤何

足言

三

柁葉復柁葉渡江水正長帆艫不徐徐風波苦
無常

長樂佳

睢鳩不結巢枯燥被風吹雖無儔匹情久別柰
底為

二

真憐雙鴛鴦並食復並宿分飛在蘭池鳴聲復

相逐

三

鏤竹合歡牀錦衾堪百疊何事屢空眠艱苦空
憐妾

華山畿

終日泣洗面祇是淚此恨何能及

二

舉頭見毒鳩即使與君棲心口應獨甚

讀曲歌十二首

石榴綻紅花爛熳見新晴摘花不傷條榴子自然生

二

張帆自不緩烹魚會知腥試看流水意番覆動心靈

三

香花吐葳蕤我色聽郎採莫作路傍情裏腸竟何在

四

庭樹巢老鳥不能解思慮無賴夜中啼歡子冒霜去

五

漏刻敲的的思郎轉復情濃物著春陽何日許新晴

六

蕭蕭風雨中氣衰無一語花蒂為誰開那能解向花間取

七

徘徊復回顧十載苦懷思風霜秣陵路

魚柰情鸞絃空復敲情枯不得明

八
九

牛渚磯邊月碧草花復香春風動人情頃刻九
回腸

十

別去凡幾載口辨更膚清微紅漸滿頰情隨嗔
恚生

十一

石闕不解吐銜碑守寂茂忍自論心情肝腸應
斷絕

十二

有意寄歡信情苦不可叙譬如染蘂林種種知
幾許

嬌女詩

采石草如翠白門鶯似歌輕盈影亦美柰此春
日何

二
曉粧去采蓮晚粧還復來紅艷映荷花花低不能開

三

婉伸冰雪姿自是絕世姝燕髻恐歌側雜挿新花扶

白石郎

白石郎好夜行踐霜冒雪無乃洵

二

形如流雲靨如哀玉舉世惟郎瞻視難足

青溪小姑曲

青溪水深茂林無數屋底小姑悠然獨住

姑恩曲

大姑小姑就儂水宿蕩槳驚姑

二

大姑真作惡小姑更不閒面孔無幾許紛紜雙

槳間

生者奈何人

少

清商曲歌辭西曲

卷之六

石城樂

估客江南去大船繫江邊載歡不回顧猶索數叢錢

死三以及

二

人言石城樂石城真是樂歌舞諸少年拋豔常相索

三

細布裁作襦十指不輒停薄意竟何如慚媿太丁寧

四

石城大船頭飛飛雙鷁好漂泊逐風波去向江南道

估客樂

聞歡江陵去布帆何環環贈君金雀釵相憐羽翼單

二

崎嶇梅根渚風浪四面生誰堪行旅難長歎不輟聲

莫愁樂

石城里幾許莫愁在西偏逆風吹江水打送莫愁船

二

莫愁石城女容貌實逸群兩槳東西渡那能獨待君

三

石城好名倡名字稱莫愁擊汰復垂帆處處逐風流

襄陽樂

浮萍託清流纏綿自成結何似負情儂蹉跎輕決絕

二

襄陽無限好更向大堤行蚤知歡子意留取路傍情

三洲歌

綠樹滿溆浦白霧蒙中河儂從三洲來歡舟何處過

二
金杯酌綠醕停舟共歡飲微風吹羅襦開襟情
獨甚

三

烹魚在瓦釜薑桂滋芬芳何用結中情臭味莫
相忘

四

獨望三洲水碧綠遠天齊布帆撇橫波頃刻判
東西

五

蓬艾本小草叢生君子前攀折本無情何緣作
可憐

六

明珠贈所歡轉移心自生儂是估客兒那解別
離情

襄陽蹋銅蹄

陌上花草香送歡赴襄陽聞道大堤兒花色豔
路傍

二
宛宛雙金環提攜閨閣裏自歡襄陽去棄置不
忍視

採桑度

金薄同心結翩翩明月璫寒裳渡津水歌吹采
春桑

二

採桑滿筐管玉指染桑脂為養百堰蚕辛勤柰
底為

三

養蚕過春月撲面蛾自生舉步與郎俱感物倍
多情

江陵樂

三月上江陵大舩擁長檣相將蹋春草步履自
生香

二

駐櫂春風前處處皆香草相將蹋不休傍人皆
言好

宛宛雙金環提攜閨閣裏自歡襄陽去棄置不
忍視

採桑度

金薄同心結翩翩明月璫寒裳渡津水歌吹采
春桑

二

採桑滿筐管玉指染桑脂為養百堰蚕辛勤柰
底為

三

養蚕過春月撲面蛾自生舉步與郎俱感物倍
多情

江陵樂

三月上江陵大舩擁長檣相將蹋春草步履自
生香

二

駐蹀春風前處處皆香草相將蹋不休傍人皆
言好

青陽度

青陽是儂家，淑浦少人行。種蓮當門前，藕自並根生。

青驄白馬

青絲肉駿赭白馬，日日湖西松樹下。

二

汝到石橋石簇簇，更有船到三千六。

三

羅襦映花千種香，共郎採蓮莫相忘。

四

可憐白馬紫障泥，高駿如雪昂復低。

五

蓮花藏舟霧露重，可憐驚宿郎與儂。

六

芳草蒨蔽馬不行，迎娶女兒空復情。

七

聞君泊船不知處，挑燈不眠泣達曙。

八

存

招

招

存

青陽度

青陽是儂家，淑浦少人行。
種蓮當門前，藕自並根生。

青驄白馬

青絲肉駿，赭白馬。日日湖西松樹下。

二

汝到石橋石簇簇，更有船到三千六。

三

羅襦映花千種香，共郎採蓮莫相忘。

四

可憐白馬紫障泥，高駿如雪昂復低。

五

蓮花葳蕤舟霧露重，可憐驚宿郎與儂。

六

芳草蒨蔽馬不行，迎娶女兒空復情。

七

聞君泊船不知處，挑燈不眠泣達曙。

八

競唱可憐心欲摧思郎如月自徘徊

安東平

行旅險艱阻絕風水船道三千有如萬里

二

東平俠兒壯心軒軒徒行四方何以報恩

三

與郎同心何懼別離空手相邀展轉見疑

女兒子

巴東盤拂上青天夜夜猿鳴聲可憐

二

瞿塘滄溟接天流篙櫓摧折那可留

薊丘集卷之六

薊丘集卷之七

古樂府五十七首

清商曲歌辭西曲

夜黃

兔絲附薜荔情知是小草纏綿雖有時隨風便
傾倒

二

餓鷓啄黃梁遊戲玉池裏羞殺雙鷓鴣鴛鴦孤飛隔
千里

薊丘集卷之六

薊丘集卷之七

古樂府五十七首

清商曲歌辭西曲

夜黃

兔絲附薜荔情知是小草纏綿雖有時隨風便
傾倒

二

餓鴟啄黃梁遊戲玉池裏羞殺雙鷓鴣孤飛隔
千里

長松標

青青山上松常含雪與霜何故女蘿枝纏綿恐
不長

雙行纏

夜行蓮舟前草露濕羅襪可惜紅素絲羞言見
明月

平西樂

歡情何所思願看東流水去去不復還風波一
何駛

二

今日見歡面小喜許心情剉蘖染素絲色變苦
還生

白附鳩

相逢龍尾鸞為儂住行船開携自有酒不復待
酌錢

名方老氏士大夫上後与知

二

龍尾鸞頭女逢歡不自持杯酒論心情殷勤郎
自知

長松標

青青山上松常含雪與霜何故女蘿枝纏綿恐
不長

雙行纏

夜行蓮舟前草露濕羅襪可惜紅素絲羞言見
明月

平西樂

歡情何所思願看東流水去去不復還風波一
何駛

二

今日見歡面小喜許心情剉蘖染素絲色變苦
還生

白附鳩

相逢龍尾鬯為儂住行船開携自有酒不復待
酤錢

二

龍尾鬯頭女逢歡不自持杯酒論心情殷勤郎
自知

三
新亭與歡見飲酒不自裁
小餌無別情勸取逐
雙杯

拔蒲

拔蒲西湖裏竟日不知息
綠葉帶新茸翫弄情
何極

二

羅衣颺從風回船船不開
君情仍見許明日拔
蒲來

三

拔蒲湖水中阻風忽已晚
與郎同舟行順流不
知返

作蚕絲

春蚕自懷思機杼不停瞬
誰復念微情身軀為
君盡

二

春日抽素絲撲撲飛新蛾
憎此驅不去何由成
綺羅

壽陽樂

遙望壽陽城苦思君終朝看暮雲

二

水程三千里堪回首望君君知否

三

可憐龍頭鐙併金壘日夕望君來

西烏夜飛

烏雀巢烏白出門芳色穠歷亂綻諸花何處見
芙蓉

二

歡從何處去持底遙相喚幾許可憐時花開方
爛熳

三

蓮舟不用紵日夕出湖中感郎無復惜舉體與
心同

舞曲雜舞

晉拂舞白鳩篇

翩翩白鳩集於空城毛羽如旛不敢飛鳴白雀

翱翔來自曠野戢翼和鳴徘徊宇下宛彼睢鳩
載飛載止言念德音永懷不已德惟丘山施及
錙銖無遠無邇其用不殊有美鼓鍾其聲鏗鏘
我維懷之思君不忘日月既邁我求我庸以歌
以吟我願是從谷風涼涼鷺鳧嗷嗷伊我匪人
有命不悞

獨漉篇

獨漉水中不憚濡足水深冥冥我心局促仰視
明月有沉必升而我一身獨處無恒鴻鴈高舉
雙雙回顧鸞弓不射悲歌中路玉箭芙蓉可以
報仇柰何日夕懔懔獨憂葛藟糾連芳草不生
我欲剪除咄嗟難平嘒嘒小星我心輪轉那事
神仙枯槁不返

二

獨漉獨漉流水迴澗不憚污泥何論晦冥輝輝
明月入我窓牖空有心思不遑父母孤鷹夜栖
高山矯翮雄鳴一轂東方盡白神遊八極舉足
蹉跎徘徊塵俗當柰愁何窓前桃樹連根可拔

枝葉何知寸心當察日月並馳曾不踰時虎欲
嚙人不殺何施

濟濟篇

繁絃急管奏中堂美人迭進舉華觴盜盤妙舞
神揚揚衆賓襍坐呈樂方更酌酒暢人情宜城
竹葉昔且清樂齊作勸君飲耿耿憂思何太甚
尉羅張雉兔藏願君蚤駕還故鄉事難知情易
迺抵節悲歌為誰苦

淮南王篇

淮南王自言尊築作高樓隔九閭金銀炫耀夜
不昏鑿成丹井清且寒鍊為五色松膏丸飲少
年誰知惘忽有足憐明明上天不可梯悲哉黃
鵠難與齊薄海內外路多迷何不返故鄉空淒
淒新聲遭迴何太苦陰雨杳杳隔鄉土

白紵舞歌

細腰標舉何先先白縠飄飄被服鮮展舒四體
紛清光雙袖隨風相倘佯蒸顏發豔更迴翔忽
偏整擲引數行妙盡一身安可詳含情授色坐

中堂時和年豐樂且康爛若流雲光采盈爰奉
佳人情自深不堪裁製當前襟輝光照體色映
心和風穆穆方陽春安歌繁會及良辰新聲鬱
鬱感心神諸客安坐無可陳

二

二八清顏迭迴翔粲如鸞鳳珠翠香被服姣麗
生輝光半旋徐引入高堂人生嘉會苦不多煩
情鬱蘊空蹉跎為召良朋及春華清歌美酒相
經過冰輪日馬歛不停夕露未溘忽踰晨美人

渥飾四時新繁絃急管嬌青春人壽忽促若朝
榮須史老醜誰長生服食藥餌徒虛名博求樂
事稱賢明女蘿葛藟及浮萍隨物依附何所營

琴曲歌辭

殘星操

嘒嘒兮殘星叢薄兮青青升北堂兮遭迴獨立
兮中庭月麗畢兮山上寒蹇思君兮何獨難殘
星兮冥冥有稀兮有苓日幽憂兮莫知徒糾繆
兮奚為

山下操

野草兮菲菲孤鳳兮獨飛山墮兮柰何鬱憂兮
安歸惟食予兮匪他彼何人兮孔多山欲墮兮
柰何

高山操

山高兮崔嵬朔風悲兮山木摧烹葵菽兮何俟
欲有言兮莫裁吁嗟乎冲人不淑兮私自憐念
夙愆兮獨還山高兮嶽嶠欲有言兮莫傳

秋雨操

雨蕭蕭兮冥冥殷殷兮雷與霆恍忽兮自悲彷徨
兮不寧登高丘兮太息夜如晦兮何極雉鳴
兮獨飛日長兮將晏瓜生兮藟藟佩金玦兮是
非空緯繡兮何依

將歸操

跋涉山川悠悠我心將翱將翔歸于中林念我
無庸誰以嗣音

別鶴操

漂漂一身兮獨為羈旅言念父母兮不遑歸處

悲彼鳴鶴兮徘徊不去

磨嶺操有序

驃騎守橫嶺踰年其子官居下位不得省
覲思而作歌

岩崑磨嶺兮摩浮雲麥禾秀兮草初薰嗟嗟思
我統軍統軍如之何

二

岩崑磨嶺兮路險難狼跋不得寔兮猿狖無與
援嗟嗟我思我君薄乎涼乎誰與將矣

三

岩崑磨嶺兮日浮浮鳥章毳鞞兮誰與為徒嗟
嗟我思統軍兮車重鈴兮馬重秣我不得逝則
如之何

雜曲歌辭

繁霜

磊磊積石爰有泉水霜何澹澹百草摧毀野草
且有馨香死嗟我民人其孰能止陰雨晦蒙山
何深深鴻鴈失儔侶中夜常悲吟思心日長不

計讐殃固不知日月滔滔曾不我留空自幽憂
誰與謀

宛轉歌

月澹澹雨霏霏羅幃不待吹夜望西陵原上樹
幾群烏鵲向南飛一解歌宛轉淒以清邯鄲雲
不平溝渠流水何時返階前春草自能生二解
歌宛轉思獨難蕙草盡摧殘畫閣無人常自掩
博山香燼不勝寒三解歌宛轉月漸斜雙鬢亂
堆鴉黃姑織女朝朝見何時爭得上仙查四解

雜歌

遠望銅駝明復明欲采紫芝行復行枯枝孤鳳
鳴復鳴山高水深情復情

蘇小小歌

逢歡出湖中招邀向前步我色不足摛歡心自
卷顧

二

松柏依然在郎與我同行郎既奏新絃儂亦吐
芳聲

歎疆場

聞道征人至扶衰不自持
調鉛渾是淚拭斷更如絲

枯魚過河泣

枯魚過河泣作書與魴鯉
出入寧足虞甘心罾中死

夜夜曲

昭聚波難定鬢垂翠轉穠
料應無處見故向夢中逢

武溪深行

箐竹不為苦棘刺不為尖
此恨竟何如譬如鐵作鉗

二

花髻躡更長一日數相見
舉首莫辭頻看取梁間箭

三

武溪赤青翠斫竹作弓矢
美酒方入唇淚下不可止

四
秋蟬力微薄不逐鷓鴣臬群手把旌節旛泣望五
溪雲

五

千金可使鬼甘將君子欺喚取衆兒孫聽儂決
絕詞

六

生女刺繡旗生男搏奔馬誰為武溪深相驅死
中野

七

釣藤清且香武溪去不返世世奉干戈相尋應
未晚

八

蒼蒼山木陰雨露能幾許空心自有知多媿誰
能敘

九

極目看溪水壯心不自持手橫大食刀研盡篋
筲枝

深深如武溪遠遠如東海蠻瘴有青天此志依然在

郊祀歌

天馬歌

渥洼中得天馬龍之種神所假天馬遊真偉絕
眼懸珠身汗血天馬至歸聖人友八駿熙芳春
天馬鳴章有德徂四征安萬國天馬馳景紛紜
窮海隅篲浮雲天馬駕歷萬里汎清風杳難視

天馬停奏鸞笙來群仙嘉太平

相和歌瑟調曲

猛虎行

溪水深深我行見之下有猛虎上有惡木枝積
石輪菌何鑿鑿日暮虎嘯我懷徒惡寄語遊子
行行且止罽羅不施徒為爾

孤兒行

孤兒輕自愛輒自甘愁苦出間行暮雙宿朝朝
暮暮悲思死母不為孿子他人項領多摧促悲

哉噫嘻人亦有言爺孃養兒女自有深恩爺孃
生存體恤如金一旦死亡誰復有心孤兒失却
母半體黃金變成土欲行誰依欲言誰訴泣涕
纍纍不如地下蚤從死母亂曰卷施抽心心死
豈得生男兒亡婦又亡女雖有形骸空復情憂
愁敬憫不如無生

薊丘集卷之七

